



Broj: 0101- 5669 /26
Sarajevo, 01. 06. 2026. godine

Bosna i Hercegovina
Federacija Bosne i Hercegovine
Kanton Sarajevo
SKUPŠTINA KANTONA SARAJEVO
n/r Gosp. Elvedin Okerić, predsjedavajući Skupštine Kantona Sarajevo

Ul. Reisa Džemaludina Čauševića 1
71000 Sarajevo

Predmet: Odgovor na zastupničku inicijativu gđin. Faruka Selmanovića, zastupnika u Skupštini Kantona Sarajevo, *dostavlja se*

Veza: Vaš akt broj: 01-04-57021-35/25 od 26. 01. 2026. godine

Poštovani,

u skladu sa aktom navedenom u vezi, koji se odnosi na zastupničku inicijativu gđin. Faruka Selmanovića, zastupnika u Skupštini Kantona Sarajevo, a u vezi sa rekonstrukcijom i obnovom fasade Pravnog fakulteta i zgrade Rektorata Univerzitetu u Sarajevu, u nastavku dostavljamo odgovore kako slijedi:

Građevina Pravosudne palate u Sarajevu predstavlja jedno od najznačajnijih historijskih i arhitektonskih zdanja Sarajeva i Bosne i Hercegovine, koja je kroz svoju dugu historiju svjedočila promjenama političkih uređenja, kao i nastanku i razvoju pravnog sistema koji danas baštimo u Bosni i Hercegovini. Projektovan u duhu neorenesanse, objekat predstavlja izuzetno vrijedan i prostorno složen arhitektonsko-dekorativni sistem, sa bogato oblikovanim fasadnim platnima i karakterističnim stilskim elementima koji zahtijevaju poseban pristup zaštiti, restauraciji i očuvanju uopšte.

Komisija za očuvanje nacionalnih spomenika Bosne i Hercegovine je na sjednici održanoj 21. 12. 2018. godine donijela Odluku o proglašenju historijske građevine – Pravosudne palate u Sarajevu nacionalnim spomenikom Bosne i Hercegovine, čime su stvorene formalno-pravne pretpostavke za sistemski pristup njenoj zaštiti. Navedena činjenica dodatno potvrđuje složenost svih aspekata predmetnog objekta, kao i potrebu da se svi zahvati na objektu provode uz poštovanje pravila struke.

Univerzitet u Sarajevu je i prije donošenja navedene odluke poduzimao niz aktivnosti usmjerenih na očuvanje sigurnosti korisnika objekta, kao i prolaznika, imajući u vidu evidentna oštećenja pojedinih dijelova fasade i vanjskog omotača objekta. Iz navedenih razloga Univerzitet u Sarajevu bio je primoran izvršiti postavljanje zaštitne nadstrešnice iznad ulaza koji primarno koriste studenti i zaposlenici Univerziteta u Sarajevu.

Također, Univerzitet u Sarajevu je 2024. godine, zajedno sa ostalim institucijama koje koriste prostor Pravosudne palate, odnosno Općinskim sudom u Sarajevu, Kantonalnim sudom u Sarajevu i Pravnim

fakultetom, pokrenuo aktivnosti na izradi projektne dokumentacije za sanaciju, restauraciju i konzervaciju objekta Pravedudne palate u Sarajevu.

Nakon dosta složenog postupka javne nabavke i uz podršku Vlade Kantona Sarajevo, izrada predmetne projektne dokumentacije trajala je u periodu od aprila do decembra 2025. godine, nakon čega je ista revidovana i predata krajnjim korisnicima. Cjelokupna projektna dokumentacija rekonstrukcije Pravedudne palate dostavljena je i Ministarstvu pravde i uprave Kantona Sarajevo, sa ciljem kandidovanja projekta prema Programu javnih investicija Kantona Sarajevo, odnosno osiguranja potrebnih finansijskih sredstava za realizaciju projekta.

Projektom su obuhvaćeni građevinsko-zanatski radovi koji uključuju sanaciju i restauraciju svih fasadnih platana objekta sa pripadajućim dekorativnim i stilskim elementima, zamjenu kompletne vanjske stolarije, kao i arhitektonsko uređenje atrijalnog prostora s ciljem unapređenja funkcionalnosti, uslova korištenja i komfora za studente i ostale korisnike objekta. Pored navedenog, projektom su obuhvaćeni i radovi na mašinskim instalacijama centralne klimatizacije, kao i radovi na elektroinstalacijama objekta. Trenutno su u toku aktivnosti na pripremi zahtjeva za ishodovanje odobrenja za građenje, odnosno potrebnih dozvola za izvođenje građevinskih radova u skladu sa izrađenom projektom dokumentacijom.

Koristimo ovu priliku da Vas, kao zastupnika u Skupštini Kantona Sarajevo koji je iskazao interesovanje za predmetni objekat i njegovu budućnost, zamolimo za podršku u daljim aktivnostima na obezbjeđenju institucionalnih i finansijskih pretpostavki za realizaciju predmetnog projekta, kako bi objekat Pravedudne palate u Sarajevu bio adekvatno saniran, restauriran i rekonstruisan, te kao takav sačuvan kao značajan historijski, kulturni i arhitektonski spomenik Sarajeva i Bosne i Hercegovine, ali i kao siguran, funkcionalan i reprezentativan prostor za studente, zaposlenike i sve druge korisnike njegovih prostora, uz potpuno očuvanje njegovih autentičnih stilskih i dekorativnih karakteristika po kojima je prepoznatljiv.

S poštovanjem,



Dostaviti:

- Naslovu
- Internet stranica Univerziteta u Sarajevu
- U dokumentaciju Tima
- Arhivi

Dostaviti elektronski:

- Kabinetu rektora Univerziteta u Sarajevu
- Generalni sekretar Univerziteta u Sarajevu
- Službi za pravne poslove Univerziteta u Sarajevu



Bosnia and Herzegovina
Federation of Bosnia and Herzegovina
CANTON SARAJEVO
ASSEMBLY

UNIVERZITET U SARAJEVU		
Org. jedinica	Broj akta	Datum
0101-	1022/26	80-01-2026

Broj: 01-04-57021-35/25
Sarajevo, 26.01.2026. godine

-MINISTARSTVO ZA VISOKO OBRAZOVANJE, NAUKU I MLADE KANTONA SARAJEVO

REKTORAT UNIVERZITETA U SARAJEVU
Ul. Obala Kulina bana 7/II

PREDMET: Zastupnička inicijativa, dostavlja se –

Zastupnik Faruk Selmanović je u skladu sa članom 212. stav (2) Poslovnika Skupštine Kantona Sarajevo („Službene novine Kantona Sarajevo“, broj:41/12-Dруги нови прећишчени текст, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24), u okviru 28. radne sjednice Skupštine Kantona Sarajevo uputio **zastupničku inicijativu** koju vam u prilogu dostavljamo.


Molimo da pokrenutu inicijativu tretirate u okviru nadležnosti i nakon postupanja po istoj, shodno odredbama Poslovnika Skupštine Kantona Sarajevo u pisanom obliku, obavijestite Skupštinu o učinjenom.

Prilog: Zastupnička inicijativa

Pripremila: Dženita Džebić
Kontrolisala: Amela Smailagić-Čamdžić

CO:

- sekretar SKS
- sekretar Vlade



PREDSJEDAVAJUĆI
SKUPŠTINE KANTONA SARAJEVO

Elvedin Okerić

Faruk Selmanović
Zastupnik u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo
n/r Kolegija Skupštine Kantona Sarajevo

Uputiti: Ministarstvu za visoko obrazovanje, nauku i mlade Kantona Sarajevo i
Rektoratu Univerziteta u Sarajevu

PREDMET: INICIJATIVA

Poštovani,

Na osnovu člana 213. Poslovnika Skupštine Kantona Sarajevo, upućujem inicijativu Ministarstvu za visoko obrazovanje, nauku i mlade Kantona Sarajevo i Rektoratu Univerziteta u Sarajevu da se **hitno pristupi rekonstrukciji i obnovi fasade zgrade Pravnog fakulteta i zgrade Rektorata Univerziteta u Sarajevu** na adresi ulica Kulina bana 7.

Fasade navedenih objekata nalaze se u izuzetno lošem i zapuštenom stanju, što predstavlja **ozbiljnu opasnost po sigurnost studenata, uposlenika Univerziteta, kao i slučajnih prolaznika**. Postoji realan i kontinuiran rizik od obrušavanja dijelova fasade, što može dovesti do teških povreda, pa i tragičnih posljedica po ljudske živote, kao i do značajne materijalne štete na imovini.

Pored sigurnosnog aspekta, ovakvo stanje objekata u kojima su smještene ključne visokoškolske institucije predstavlja i **neprimjeren izgled i svojevrsno ruglo za najuže gradsko jezgro Sarajeva**, što je nespojivo s ulogom i značajem Univerziteta u Sarajevu kao najstarije i najznačajnije visokoškolske ustanove u Bosni i Hercegovini.

Cijeneći navedene rizike i okolnosti, smatram da je neophodno da nadležne institucije, svaka u okviru svojih nadležnosti, **bez odlaganja pokrenu proceduru sanacije, rekonstrukcije i obnove fasada**, te osiguraju potrebna finansijska sredstva i tehničke uslove za realizaciju ove aktivnosti.

S poštovanjem,

Faruk Selmanović, zastupnik u Skupštini Kantona Sarajevo